

Swati - Moya Kuliwa imiBhalo - SW Intro Scriptures

**Lukha 17:5 Baphostoli base batsi eNkhosini: “Yandzisa kukholwa kwetfu.”
KubaseRoma 10:17 Ngako-ke kukholwa kuvela ekuveni, kuva kuvela ngekutsi
kushunyayelwe ngaKhristu.**

**Lukha 11:1 Ngalelinye lilanga Jesu abethandaza endzaweni letsite.
Nasacedzile, lomunye webafundzi bakhe watsi kuye: “Nkhosi, sifundzise
kuthandaza njengaJohane lowafundzisa bafundzi bakhe.”**

**1 KuThimothi 2:1-4 Ngako-ke kwekucala ngiyala kutsi kuhuleka,
nemithandazo, nekuncusa, nekubonga, akwentelwe bonkhe bantfu. 2
Khulekelani emakhosi nabo bonkhe labasetikhundleni letiphakeme, khona
sitewuphila imphilo yekuthula, ngekwesaba Nkulunkulu nangako konkhe
kuhlonipheka. 3 Loku kuhle, kuyemukeleka kuNkulunkulu uMsindzisi
wetfu, 4 lofisa kutsi bonkhe bantfu basindziswe bafinyelele ekulatini
liciniso.**

**Zakhariya 3:1,2 Simakadze wabe sewungibonisa Jeshuwa, umPhristi
Lomkhulu, eme embikwengilos i yaSimakadze, naSathane eme
ngasesandleni sakhe sekudla atekummangalela. 2 Simakadze wakhulumu
kuSathane, watsi: “Simakadze uyakwekhuta wena Sathane! Simakadze,
lokhets iJerusalem, uyakukwekhuta! Lendvodza ayisiso sikhuni
lesivutsako yini lesephulwe emlilweni?”**

**Kubase-Efesu 6:12 Ngobe asilwi nebantfu, kodvwa silwa netikhulu temimoya,
nemandla, nebabusi bendalo yalobumnyama, nemabutfo abomoya lababi
labasemkhatsini.**

**Kubase-Efesu 6:10,11 Kwekugcina, cinani eNkhosini nasemandleni ayo
lamakhulu. 11 Hlomani tonkhe tikhali taNkulunkulu, khona nitewuba
nemandla ekumelana nebucili baSathane.**

**Kubase-Efesu 6:13-17 Ngako-ke hlomani tikhali tonkhe taNkulunkulu, khona
nitewuba nemandla ekulwa ngelilanga lelibi, nitsi nome senicedzile kulwa,
nigcine nincobile. 14 Ngako-ke manini tinkhalo tenu tiboshwe ngeliciniso,
nifake sivikelo sesifuba lesikulunga, 15 tinyawo tenu tigcokiswe kulungela
kushumayela liVangeli lekuthula. 16 Kunako konkhe, nitsatse lihawu
lelikukholwa, lenitawuba nemandla ekucima ngalo tonkhe tikhali
letivutsako taLomubi. 17 Nitsatse impantitje leyinsindziso, nenkemba
yaMoya lelivi laNkulunkulu.**

**KumaHebheru 4:12 Livi laNkulunkulu liphilile, linemandla; likhalipha
kwengca inkemba lesika ngetinhlangotsi totimbili. Lisika lidzimate
lehlukanise umphefumulo nemoya, emalunga nemnkantja, lehlulele
imicabango netifiso tenhlitiyo.**

Lukha 4:8 Jesu wamphendvula watsi: “UmBhalo utsi: ‘Khotsama iNkhosi

Nkulunkulu wakho, umkhonte yena yedvwa! ”

Kubase-Efesu 6:18 Khulekani ngaso sonkhe sikhatsi nikuMoya ngekukhuleka konkhe nekuncenga. Nilindzele ngesineke sonkhe, nangekuncusela labangcwele bonkhe.

1 Samuweli 17:45-47 Davide wakhulumu kulomFilisti, watsi: “Wena uta kimi uphetse inkemba, nelijozi, nesikhali, kodvwa mine ngita kuwe ngelibito laSimakadze wetimphi, Nkulunkulu wemabutfo aka-Israyeli, wona lawo mabutfo bewuwabita insayeya. 46 Lamuhla Simakadze utakunikela esandleni sami, ngitakushaya ngikulahle phansi, ngihhumble inhloko yakho esidvunjini sakho. Lamuhla tidvumbu temaFilisti ngitatinika tinyoni telizulu kanye netilwane tesiganga, kuze umhlaba wonkhe wati kutsi kukhona Nkulunkulu ka-Israyeli, 47 nekutsi bonkhe labantfu lababutsene lapha bati kutsi Simakadze akasindzisi ngenkemba nangesikhali. Ngobe imphi ngeyaSimakadze, nguye lotaninikela nonkhe etandleni tetfu.”

Lukha 10:17-20 Labangema-72 babuya bajabule kakhulu. Befika batsi: “Nkhosi, ngisho nemadimoni ayasilalela nasiwekhuta ngelibito lakho.” 18 Jesu wabaphendvula watsi: “Ngabona Sathane awa ezulwini ehla njengembane. 19 Bukani la! Ngininike emandla ekunyatsela tinyoka, nabofecela, nemandla ekuncoba sitsa; kute lokuyawunilimata. 20 Ningajabuli ngobe imimoya lemibi initfobela; kodvwa jabulani kutsi emabito enu abhaliwe ezulwini.”

2 KubaseKorinthe 10:3-5 Ngobe nome siphila eveni, kodvwa asilwi ngetikhali telive. 4 Tikhali lesilwa ngato akusito telive, kodvwa tikhali taNkulunkulu letinemandla ekubhidlita tinqaba, ticitse tinkhulomo letingenamsebenti. 5 Tibhidlita konkhe lokuphakamele kuvimbela kwati Nkulunkulu. Titfumba yonkhe imicabango, tiyente itfobele kulalela Khristu.

2 KuThimothi 1:7 Ngobe Nkulunkulu akasiphanga umoya webugwala, kodvwa wasipha Moya wemandla, newelutsandvo, newekutekhuta.

Matewu 12:28,29 Kepha nangabe ngikhipha emadimoni ngaMoya waNkulunkulu, kusho kutsi umbuso waNkulunkulu sewufikile-ke kini. 29 “Futsi umuntfu angangena kanjani endlini yesichwaga, atsatse timphahla taso, ngaphandle kwekubopha lesichwaga kucala; bese-ke uchwaga lendlu?

Kubase-Efesu 1:13 Kwaba njalo-ke nakini futsi. Natsi kube nive livi leliciniso, liVangeli lekusindziswa kwenu, nakholwa nguye futsi, nani nabekwa luhawu lolunguMoya Longcwele labetsenjisiwe.

Imisebenti yeba Phostoli 19:6 Kwatsi Pawula asabeka tandla etikwabo, behlelwa nguMoya Longcwele. Bakhuluma ngetilwimi letehlukene baphrofetha.

Makho 16:15-18 Watsi kubo: “Hambani niye emhlabeni wonkhe, nishumayele liVangeli kubo bonkhe bantfu. 16 “Lowo lokholwako abhajatiswe, uyawusindziswa; kodvwa lowo longakholwa, uyawulahlwa. 17

Labakholwako bayawuba nanati tibonakaliso: Bayawukhipha emadimoni ngelibito lami, bakhulume ngetilimi letinsha, 18 ngeke behlelwe lutfo nababamba tinyoka nome nabanatsa lokubulalanako. Bayakubeka tandla kulabagulako baphile.”

1 YaJohane 1:9 Kodvwa nasitivuma tono tetfu, Nkulunkulu wetsembekile, futsi ulungile, utasitsetselela tono tetfu abuye asihlambulule kuko konkhe kungalungi.

Eksodusi 20:5 Ungasikhotsameli nome usikhonte, ngobe mine Simakadze, Nkulunkulu wakho, nginguNkulunkulu Ionesikhwele. Labo labangitondzako sijeziso sami ngesono saboyise ngisehlisela ngisho nakubantfwana babo besitukulwane sesitsatfu nesesine.

Tihlabelelo 109:17 Abetsandza kucalekisa. Shangatsi leticalekiso tingehlela etikwakhe; akazange asitsandze sibusiso, shangatsi sibusiso singakhwesha kuye.

Tikhulu 16:16 Ngaloko kumbelesela kwakhe amchukulusha onkhe emalanga, amncenga, Samsoni waze wadzinwa, umphefumulo wakhe wakhatsateka kakhulu.

Kubase-Efesu 4:26 Tfukutselani, kodvwa ningoni; lilanga lingashoni solomane nitfukutsele.

KubaseRoma 14:12 Ngako-ke, sonkhe siyawulandza ngatsi matfupha ngamunye ngamunye kuNkulunkulu.

1 YaJohane 2:23 Lowo lophika iNdvodzana, ute Nkulunkulu uYise; kantsi lowo lovuma iNdvodzana unaye, Nkulunkulu uYise.

Johane 14:6 Jesu watsi kuye: “Mine ngiyindlela, neliciniso, nekuphila. Kute longeta kuBabe nakangeti ngami.

Matewu 11:28-30 “Wotani kimi, nine nonkhe lenikhatsele nalenisindvwa yimitfwalo, ngitaniphumuta. 29 Bekani lijoko lami etikwenu, nifundze kimi, ngobe mine ngimnene, ngitfobekile ngenhlitiyo, khona niyawutfola kuphumula kwemiphefumulo yenu; 30 ngobe lijoko lami lilula, nemtfwalo wami awusindzi.”

2 KubaseKorinthe 6:2 Ngobe utsi: “Ngikuvile ngesikhatsi lesifanele; ngakusita ngelilanga lensindziso.” Lalelani la, “sikhatsi lesifanele” ngiso lesi; “lilanga lensindziso” ngilo lona leli.

KubaseRoma 10:13 Ngobe “wonkhe umuntfu lotibika abite libito leNkhosi, uyawusindziswa.”